



Sabri menunjukkan permainan minda 'Kit Bijak Wang' hasil Nurhayatul Nira Ramli pada sidang akhbar di Dewan Seminar Ekologi Manusia UPM, semalam.

UPM bangunkan kit pendidikan kewangan kanak-kanak

KUALA LUMPUR 12 Dis. - Universiti Putra Malaysia (UPM) mengambil inisiatif membangunkan kit permainan pendidikan kewangan kepada kanak-kanak, sejajar dengan pembangunan Strategi Keupayaan Kewangan Negara untuk meningkatkan literasi kewangan rakyat Malaysia.

Pereka produk yang juga Pensyarah Kanan Fakulti Ekologi Manusia UPM, Dr. Mohamad Fazli Sabri berkata, tinjauan kajian menunjukkan sekiranya kanak-kanak didehakan dengan pengetahuan dan kemahiran pengurusan kewangan di awal usia, dapat memberi kesan positif kepada amalan pengurusan kewangan apabila dewasa kelak.

"Pendidikan kewangan dilihat sebagai salah satu strategi terbaik untuk membantu individu menguruskan kewangan mereka yang terhad secara berhemah dan secara tidak langsung membantu mengurangkan peningkatan individu diisytiharkan mufliis.

Kit yang dinamakan 'Kit Bijak Wang: Anak Bijak Cerdik Duit' direka sebagai salah satu alternatif bahan pengajaran dan pembelajaran untuk membantu ibu bapa dan guru mendidik anak-anak tentang ilmu pengurusan kewangan peribadi

MOHAMAD FAZLI SABRI

Pensyarah Kanan Fakulti Ekologi Manusia UPM

"Sehubungan itu, kit yang dinamakan 'Kit Bijak Wang: Anak Bijak Cerdik Duit' direka sebagai salah satu alternatif bahan pengajaran dan pembelajaran untuk membantu ibu bapa dan guru mendidik anak-anak tentang ilmu pengurusan kewangan peribadi memandangkan tidak ramai ibu bapa yang mempunyai kemahiran untuk mengajar berkaitan dengan topik ini," katanya.

Beliau berkata demikian kepada pemberita dalam sidang akhbar memperkenalkan kit tersebut kepada

media di UPM, di sini hari ini.

Kit yang mengambil masa selama 10 bulan untuk dibangunkan itu mendapat dana penyelidikan dari Putra Science Park, UPM dan disasarkan kepada kumpulan kanak-kanak berumur antara enam hingga 12 tahun.

Menurut Mohamad Fazli, produk yang menggunakan kaedah pendekatan belajar sambil bermain itu bersesuaian dengan fitrah semula jadi kanak-kanak.

"Kami merancang untuk bekerjasama dengan Kementerian Pen-

didikan dan Bank Negara untuk digunakan secara meluas di semua sekolah seluruh Malaysia.

"Aktiviti permainan tersebut disusun secara berperingkat dari tahap mudah sehingga ke tahap sukar supaya kanak-kanak dapat menguasai topik dengan baik mengikut kemampuan dan kemahiran masing-masing," katanya.

Tambahnya, kebanyakan kit pendidikan kewangan yang terdapat di pasaran hanya memberi fokus kepada topik tertentu tetapi produk ini merangkumi enam unit penting dalam asas kewangan seperti mengenal wang, matlamat kewangan, keperluan dan kehendak, simpanan, belanja dan bajet serta konsep asas perbankan Islam.

Menurutnya, produk yang didaftarkan di bawah perlindungan harta intelek itu sedia untuk dikomersialkan dan merancang untuk diterjemahkannya kepada pelbagai bahasa untuk pasaran antarabangsa.